


GOMME GO TLOGA NAKO YEO

 Ka kgonthe go botse go bowa le go kwa ngwanešu, modiša, a e fa bopaki bja mogau wa Modimo, ka mosetsana wa gagwe yo monnyane. Yoo o no ba bjalo ka Morena Jesu, go dira dilo bjalo ka tseo. Ka kgonthe go bjalo.

² Bjale, re thabile kudu, bošegong bjo, go ba le rena, yo mongwe wa baeng ba rena fa, bjalo ka ge re go bitša, tirelo ya thapelo mo bošegong bja Ngwaga wo Moswa, mogwera wa go loka wa ka, Ngwanešu Ernie Fandler, yo mongwe wa basokologi go Morena Jesu Kriste, sebjana sa mogau. Setlogong sa legae la gagwe ka Switzerland, ke fao a tšwago gona. Gomme ke a dumela, ngwanešu le yena fa, bao ba dula ka Switzerland bjale, Mojeremane ka setlogo, Ngwanešu Waters. Re thabile go ba le bona le rena bošegong bjo.

³ Gona re na le, gape, le rena bošegong bjo, ngwa—ngwa ngwanešu yo bohlokwa wa tumelo, Afrika Borwa, Ngwanešu David duPlessis. Re thabile go ba le yena le rena, le rena. Gomme re . . . David le nna re—re letile, goba go rapela, gomme Morena o re fa mošomo wo mogolo o itšego mmogo, ngwaga wo o tlogo wo, ka go Afrika le dikarolo tša go fapana tša lefase. Ngwanešu David o fa bjale go e bolela godimo, le go rapela godimo le yona, magareng ga bjale le Mošupologo, go phetha ke feela neng le kae, ka go—go Afrika, le dikarolo tša go fapana tša lefase go iwago. Bjalo, Ngwanešu David o bile le ofisi ye kgolo kudu le Pentacostal World Convention, gomme gape o tsebega gabotse le baetapele ba bagolo ba bodumedi go kgabaganya lefase ka moka. Gomme o bile le khuetšo go phegeleleng le go direng, bokgole mmogo bjalo ka ge re le bjalo, go thušeng go tliša Mmele wa Jesu Kriste mmogo, wa dikereke tša maina tšohle tša tumelo. Go sa kgathale ke ba efe (bona) kereke ba nago, goba lefe (bona) leswao ba swailwego. Yona ke, Kereke, Yeo Kriste a e hwetšego.

⁴ Gomme ke be ke fela ke nagana ka seo. Ke be ke fela ke gapa dikgomo, makga a mantši, ntle Bodikela. Re be re eya godimo, Ngwanešu David, le go dula fale moo ba gapetšego dikgomo godimo go kgabola legora la go sesa, godimo ka go dithaba, go di fudiša mo go . . . di tlogela di fula mo mafulong, di . . . a sethokgwa. Ge, mehlašana e be e gola ka tlase, mehlašana ya naga. Morago ba rema mehlašana, le go fepa dikgomo ntle go kgabola—kgabola nako ya marega, ge go be go tšutla kudu, godimo ka dithabeng.

⁵ Gomme ke fela ke dula fale godimo ga ntlhorwana le go bogela barui ba tliša dikgomo tša bona go kgabola; gomme polasa ye nngwe le ye nngwe, ka tlasetlase, yeo e kgonago go tšweletša tone ya furu. Gomme ba be ba kgona go tšweletša

masometlhano a tone ya furu, seo se rile gore ba ka kgona go bea dikgomo tše masometlhano. Ge ba ka kgona go tšweletša sekete sa tone ya furu, sekete sa mohlape wa dikgomo se be se ka kgona go ya go kgabola. Monna yo mongwe le yo mongwe, a swere leswao go dikgomotshadi tša gagwe. Ba lebeletše leswao, ka nnete, dipolase tša go fapana, kafao ba be ba ka se di hlakahlakanye. Gomme gona ge. . .

⁶ Morui, o be a se na kgahlego bjalo go mohuta ofe wa leswao o bego o feta go kgabola, ka gore go be go le mehuta yohle ya maswao. Eupša go na le selo se setee seo ka kgonthe a bego a swanetše go se lebeledišiša, yeo e be e le theke ya madi. Di be di swanetše go ba Hereford ye e ngwadišitšwego, goba di be di ka se kgone go feta go kgabola sefero. Ba a di gomiša. Le a bona?

⁷ Gomme ke a nagana yeo ke tsela e tla bago ka Kahlolong. E ka se be mohuta ofe wa leswao re o rwelego, eupša ge theke ya Madi e le gona. Seo ke selo seo se tla—seo se tla go balwa, theke ya Madi.

Gomme ke thabile kudu go ba le Ngwanešu David le rena.

⁸ Gomme ke bona Ngwanešu Estle Beeler o be a le fa feela nakwana ya go feta. Ke mmone a phagamela godimo fale, go tšwa felotsoko. Le badiredi ba bangwe bao re letetšego go kwa go bona, bošegong bjo. Gomme, morago, gomme ke a thanka Ngwanešu Ruddell le bona ba tla be ba etla ka gare, gobane ba ya go dula go fihla bošegogare.

⁹ Go le bjalo, Ngwanešu David a ka se kgone go dula go fihla bošegogare. Ke monna wa go nyakiwa kudu, mogohle. Gomme ka pela ge Ngwanešu Rodgers a kwele gore o be a le godimo fa, gobaneng, o ya go romela le go ba le yena godimo fale ka lesome. Kafao seo se ra gore o tla be a tloga ga, bokopana gabotse, go ya tsela ntle fale ka Louisville borwa.

¹⁰ Gomme ke naganne go tla ba bose, ge go ka loka le Ngwanešu David, ge—ge re ka ba le yena go tla godimo le go bolela seo se lego ka pelong ya gagwe, go re rerela, go dira e ka ba eng Modimo a beago. Re ka rata go kwa Ngwanešu David duPlessis, go tšwa Afrika Borwa.

¹¹ A nke ke bohole se. Gore, ge ke be ke le ka, mošola ka Afrika, go lesolo le legolo Modimo a re filego godimo fale, ngwanabo o be a le mohlatholledi wa ka, Ngwanešu Justus. Ke dumela leina la gagwe ke Ngwanešu Justus. Gomme ka kgonthe lapa le lekaone la batho, ke banešu ba ba ga duPlessis. Ke nagana go na le. . . Ke a nagana bohle ke bona badiredi, bokgole bjo ke tsebago, gomme mohlomongwe tate, le yena, o be a le modiredi. Gomme ba tšwa go lelapa le lekaone la batho. Gomme Ngwanešu David o rwele leina le legolo magareng ga dikereke tšohle le dikereke tše maina go dikologa lefase.

¹² Gomme Ngwanešu David, ke tla rata go wena go tla godimo bjale le go re bolelela, goba e ka ba eng Modimo a beilego

mo pelong ya gago go bolela. Etlela thwi godimo. Gomme ke thabile kudu go tsebiša go kereke ya ka, bošegong bjo. Yo ke Ngwanešu Orman Neville, modiša wa rena. Gomme go kereke, yo ke yo mongwe wa bagwera ba ka ba bohlokwa, le—le bahlabani mmogo mo tirelong ya Modimo, Ngwanešu David duPlessis wa Afrika Borwa. Modimo a go šegofatše, Ngwanešu David.

¹³ [Ngwanešu David duPlessis o a bolela. Ga go selo lefelong la theipi—Mor.] . . . bolela. Amene. Bohle re dirile. Ngwanešu David, potlakela thwi morago le go ba le rena gape. Yeo e lokile kudu. Ka kgonthe re thabile.

¹⁴ Ngwanešu David o boletše dilo tše dingwe fale, ke no duma nka be ke bile le pene ya ka, nka be ke di ngwadile fase. Eupša ke tla dula ke elelwa “ditlogolobarwa; ditlogolo.”

¹⁵ Gabotse, ka kgonthe re thabela keteko ya ngwanaborena. Gomme yena o . . . o be . . . kgokagane le badumedi ba World Conference of Pentacostal, gomme monna yo mogolo mothalong wa mošomo wa gagwe go kgabaganya lefase ka moka. Gomme re mahlatse, bošegong bjo, go ba le Ngwanešu David go tla go bolela le rena ka bošego bjo bja Ngwaga wo Moswa. Gomme le ka bona seo banna ba bagolo ba naganago ka ga Morena wa rena, go nagana ka mohlanka yo mogolo wa Gagwe.

¹⁶ Bjale ke dumela gore, gosasa, e le Ngwaga wo Moswa, e no ba diiri di se kae bjale. Gomme ke swanetše go tloga ka pela gosasa, kafao ke naganne nka no bolela nthatana gannyane, ge e ba go lokile le Ngwanešu Neville. [Ngwanešu Neville o re, “Ee. Amene.”—Mor.] Ngwanešu Beeler, le badiredi ba bangwe fa. Nka se tšee nako ye ntši. Gomme ke a nagana, ge re ka re “Amene,” gomme ra ya gae, go tla ba molaetša wa go makatša. Gomme re ka kgona go leboga Morena bakeng sa seo gore re naso fa, bošegong bjo.

¹⁷ Gomme bjale, eupša bjo e le bošego bja Ngwaga wo Moswa, re no tlošana bodutu, ka Mmušo wa Modimo, go rera, go fihla go e tla Ngwaga wo Moswa. Gomme ke na le . . . tsoga mo mosong, ka pela ka kgonthe, tsela pele ga letšatši. Gomme ga ke yo moswa bjalo ka David. Mohlomongwe ke . . . Mohlomongwe ga ke ikwe boswa bjalo ka ge a dira. Yena ke . . . Nnete, David o gannyane—gannyane nthatana yo mogolwane go mpheta. Ke a nagana o mengwaga ye šupago goba ye seswai bogolwane, mohlomongwe lesome. Eupša ka kgonthe yena ke polomollo bakeng sa Modimo, a sepela dimaele tše masometlhano ngwaga wo, bakeng sa Mmušo wa Modimo. Mo tseleng ya gagwe bjale go yo rera ga Ngwanešu Rodgers, gomme gosasa go ba le ba bangwe, felotsoko gape, le felotsoko gape, le felotsoko gape, le morago fa gape ka Mošupologo. Gomme ke swanetše go kopana le yena go dira ditokiketšo bakeng sa leeto la lefase ka bophara leo le tlogo bjale.

¹⁸ Gomme re swanetše go ba ka Afrika, ke a kwešiša sekgaleleng se, ka Matšhe, Matšhe wo—wo o tlogo. Ke swanetše go kopana le Clayton Sondmore, go tšwa go Full Gospel Christian Business Men, beke ye, goba beke ye e tlogo, seripa sa mathomo sa yona, le go dira ditokišetšo bakeng sa Jamaica, ya Haiti. Ke ya beke ye e latelago ka go Kentucky, goba tlase ka go Georgia, go ba le tšona dikopano fale. Go tla morago thwi le go tla tlase go kgabola Kentucky, bošego fa, le bošego fale, go swareng dikereke tše. Le go tla morago gae ka go otlologa thwi go tloga fao, le go ya go—go—go Atlantic City, bakeng sa go thoma ka la 27, go kgabola la 30, le go tloga fale mosong wa la 1, le go thoma ka—ka Kingston, Jamaica, ka go le- . . . lepatlelo la mokato, bošego bjoo, bakeng sa kopano ya matšatši a lesome fale. Gomme go tloga fao go ya pele, ka gare gona go ya Haiti, le e ka ba kae. Ga re tsebe re ya kae go tloga fao, feela bjalo ka ge Morena a tla re eta pele.

¹⁹ Bjale, tše tšohle di mo go dirweng. Le a bona? Ga se ke re ee. David o fa, Clayt o a tla. Gordon, Ngwanešu Gordon Lindsay o a tla, bakeng sa Amerika Borwa. Gomme—gomme ka moka, Christian Business Men bakeng sa ba go bolela Latin ba Amerika. Gomme Ngwanešu David o bakeng sa Switzerland, Jeremane, pele go theoga. Eupša ga re tsebe ga bjale. Nno dulang le rapela. Ga ke nyake go ya felo go fihla Modimo a re eya, le bokaonekaone bja tsebo ya ka. Kagona, ge nka kwa ke hlhlwa go ya, gona ge ke fologa sefofane, ke . . . Gomme ga go tshwenye seo boganetši bo lego sona, nka kgona go re, “Ke tla ka Leina la Morena Jesu.”

²⁰ Ke lebogile bakeng sa David, segwera seo re bilego mmogo, gobane monna ke monna yo bohlokwa kudu, eupša ka kgontho o—o—o dumela bodiredi bjo bja Morena. Ka kgontho o a dira. Gomme—gomme maina a rena a amantšhitšwe mmogo go kgabaganya lefase ka moka bjale, Ngwanešu David le nna.

²¹ Gomme ke thabile kudu go ba le kamano le monna go swana le yoo. Eupša, bagwera, ke thabela seo. Eupša selo se segologolo seo nka go nagana go amantšhwa le sona ke Jesu Kriste, Morwa wa Modimo, yola Yo mogolo.

²² Bjale, Ngwanešu Neville le ba bangwe ba bona ba tla be ba bolela mo nakwaneng e se kae, eupša ke nyaka go bala feela se sengwe se sennyane go tšwa go Lengwalo bjale.

²³ Gomme go lokile, ke a nagana, mo bošegong bja Ngwaga wo Moswa, go bona bareri ba go fapana, le ka tsela yeo ba batamelago sehlogo, le seo ba se bolelago, le go ya pele. Gomme monna yo mongwe le yo mongwe a na le tsela ya gagwe ya go rera. Le a tseba, Modimo ga se a re dira ba bohle go swana. O re dirile go fapana. O re dirile go fapana ka seemo sa rena. O dirile lefase go fapana, le dithaba tše kgolo, dithaba tše dinnyane, dirorobja, maganata, matšoba a magolo a mašweu, matšoba a bolou, le

mehuta ka moka ya go fapana. O no re dira go fapana. Yeo ke ka moka. O dira hlogo ye khubedu, le dihlogo tše ntsho, dihlogo tše tsothwa, hlogo ye tšhweu; bokoto, bosese, botelele, oo, e ka ba eng gape. Le a bona? O no—O no re dira go fapana. Modimo ke Modimo wa go fapantšha. Gomme ke mohuta wa go rata seo. A ga le? [Phuthego e re, “Amene.”—Mor.] Eupša feela selo sa go swana nako yohle? Nna! Nna! Ke rata se.

²⁴ Kafao anke re phetleng bjalo ka go Mangwalo a rena, godimo ka go Puku ya Mokgethwa Mateo, Ebangedi ya Mokgethwa Mateo, go thoma ka . . . Le temana ya 4, ke nyaka go bala bakeng sa . . . go re balela sehlogo, Morena a re thuša. Mokgethwa Mateo, tema ya 4.

Ke a dumela, pele re bala, a re rapeleng.

²⁵ Tate wa Mogau wa Legodimong, ka gape ka dipelo tša go leboga gore re a batamela ngwaga wo moswa wo. Gomme re batamela Wena le go tliša go Wena matshwenyego ohle a rena a go feta, le go kgopela gore O tla a bea ka go lewatle la bolebadi, gomme o se elelwe dibe tša rena kgahlanong le rena gape. Gomme a nke re se lekole feela le go beng ga rena ga semoya, eupša ka go a rena . . . a nke re lekole kopanelo ya rena le Wena. Gomme re lebalele dibe tša rena tšohle. Gomme re kgopela gore Moya wa Gago o tla šoma ka rena bošegong bjo. Gomme ge go ka ba selo se itšego sa ditšhila ka rena, Morena, se tloše kgole le rena bjalo ka ge bohlabela bo le go tšwa go bodikela. Bo lahlele ka go lewatle la bolebadi, go se sa bo elelwa kgahlanong le rena gape, gore re tsene ka go ngwaga wo moswa wo, re hlwekile, re hlatswitšwe ka Madi a Kwana, gomme re loke.

²⁶ A nke 1960 a e be ngwaga wo mogologolo woo re kilego ra ke ra Go direla. Re fe kago fetišiša, ka botlalo. Dikopano tše tšohle tšeo di kgatlampanago, Morena, tšeo re naganago ka tšona le Ngwanešu duPlessis, le go rarela lefase, ka go Asia, le mošola ka go Yuropa, le gohle—gohle go rarela. Morena, a nke e be thato ya Gago le Maatla a Gago ao a tla re hlahlelago go dilo tše. Gomme ge ka nako ye itšego re ka šutha go tloga tseleng ya Gago ya Bomodimo e beilwego, a nke Moya wo Mokgethwa o bee sešitiša mo tseleng le go re thibela, Morena, le go re retollela morago go lefelo la tshwanelo. E fe.

²⁷ Šegofatša kereke ye nnyane ye, Morena. E ka ba, tsela kgauswi le mengwaga ye masometharo, ke a thanka, e eme fa bjale, bjalo ka segopotšo sa mogau wa Modimo, go batho ba go ikokobetša. Re a rapela, Tate, gore O tla šegofatša Ngwanešu Neville, modiša. Šegofatša kereke yohle. Šegofatša babolokaphahlo, matikone, bahlahli ba dikopelo, moletšapiano, le phuthego yohle, yo mongwe le yo mongwe, barutiši ba sekolo sa Lamorena, e ka ba eng gape, Morena, a nke re kgone go gola ngwaga wo ka mogau wa Modimo. Gomme a nke boleloko bja rena bo gole ka go dipalo tše dintši, gomme—gomme bontši bja

mogau wa Gago, woo, go feta wo o bile go mengwaga e fetilego. E fe, Tate.

²⁸ Bjale re thuše ge re sa batamela sehlogo se seo re itokišetšago go se bala, Lentšu la Gago. Gomme feela Wena, Morena, o ka hlathollago gomme re rapela gore O tla e fa go rena, sebakeng sa Mmušo wa Modimo. Ka Leina la Jesu Kriste. Amene.

²⁹ Nna ke tsebiša feela bjalo seo ke se kgethilego bakeng sa sehlogo go nakwana e se kae e latelago. Se hwetšwa ka go Lengwalo fa, gomme ke tla le bala. Pitšo ya lona, ke nyaka go e bitša se, “go tloga nako yeo.”

³⁰ Ga se ke nagane, ke rile bošego bjo bongwe, ga se ke eleletše nka tla go theoga, gobane mogolo wa ka o be o e ba makgwakgwa. Gomme mosadi wa ka o rile go nna maabane, goba letšatši pele, o rile, “Gona ke eleletša o ka se theogele kerekeng.”

³¹ Gomme ke rile, “Hani, ga ke nagane bjalo. Mogolo wa ka o bohloko kudu le go ba makgwakgwa.”

³² Gomme morago, e se go bontši go feta bošego bjoo, ge ke dula fase le go topa Lengwalo godimo, ke wetše go Se.

³³ Ngwanešu Sothmann o tllile kgauswi. O rile, “A o tla be o eya kerekeng gosasa bošego?”

Ke rile, “Ya. Ke tla ba fao.”

³⁴ Gomme Meda o lebeletše go ntikologa, gomme o rile, “Ga ke go kwešiše.”

Ke rile, “Ga ka go emela go dira, o a bona,” ke rile, “goba ga go yo mongwe gape.”

³⁵ Ga go na yo a hlahlwago ke Moya wa Modimo a ka tsogego a kwešišwa.

³⁶ Morena wa rena, ga se ba ke ba Mo kwešiša. O bonagetše o ka re O boletše ka tsela ye nngwe, motsotso wo motee; gomme tsela ye nngwe, motsotso wo mongwe. Gomme mogongwe gape O boletše ka se sengwe gape. Nako ye nngwe e be e le Jesu a bolela, dinako tše dingwe e be e le Modimo a bolela. Le a bona? Ebile le barutiwa ba rile fale, mafelelong, ba rile, “Bona, bjale O bolela ka go otlologa. Bjale re a kwešiša.” Le a bona?

³⁷ Gomme Jesu o rile, “A le a kwe- . . . Gomme a le a dumela bjale?” Le a bona, ka morago ga fao.

³⁸ O no se kgone go e dira, gobane o hlahlwa ke Moya. Gomme o thoma go dira se sengwe, o hwetša gore o bona o . . . Modimo o nyaka go go bona mogongwe. O swanetše go ema *fa* le go ya *fa*, go no hlahlwa ke Moya. Ga se ba tlwaelega, batho ba moswanomong bao ba nago le bophelo bjo o nyakago go bo gafela go Modimo.

³⁹ Gomme gona ka mehla ke bolela se, “Ke tla dira se ge Morena a rata.” Le a bona? Ge ke dira tshepišo go e ka ba mang, “Ke tla e dira ge Morena a rata.” Le a bona? Gomme kagona, gona, ge e se thato ya Morena, ke tla ba . . . Ke tla bolela ka Molaetša wo ge

Morena a rata. A ka mpha pitšo, thwi ka go Molaetša wo, go tloga go ya California. Ke tla gafela se sengwe le se sengwe ka thoko gomme ka tloga ka ya California, ka maatla ka fao nka go ya.

⁴⁰ Gomme ke nyaka go phela ka mokgwa woo. Ga ke nyake selo go mpofelela fase. Ga ke nyake selo se segologolo goba se sengwe, fao e ka bitšago dimilione tša ditolara, gomme o swanetše go hwetša tšhelete ye ntši bjalo, letšatši ka tšatši, go mpofelela fase. Ke nyaka go ba, moo, ge Modimo a re, “Ke nyaka o ye tlase fa go batho ba. Go na le feela ba bahlano ba bona. Eupša e ya tlase fale, gomme o dule fale go fihla Ke go botša o tloge.” Ke nyaka go ya fao. Ga ke na boitlamo, feela . . . le ge A nyaka ke ye mošwamawatlle.

⁴¹ Bjale še fa, e sa tšo bolelwa, go ya Jeremane, goba go—go Afrika. Gomme mosadi tsoko wa radimilione, feela nako yeo Moya o beilego godimo ga ka go ya Afrika, o rile, “Ke tla thekga ka mašeng leeto le go lefela nthatana ye nngwe le ye nngwe ya lona.” Le a bona? Yeo ke ka moka. Gobaneng ke swanetše go belaela ka tšhelete le dilo, mola Tate wa ka a na le dilo tšohle tša yona? Le a bona? A ka no bolela le monna yo wa mohumi, goba monna yola wa mohumi, goba batho ba, goba batho bale, gomme ga go tlhokego ya ka go tshwenyega ka yona. Le a bona? Modimo o no hlokomela yohle ya yona.

⁴² Ngwanešu Roy, yeo ke tsela go phela. Nno Mo dumelela go e hlokomela. Go lokile bjalo.

⁴³ Bjale a nke re phetleng ka go Mangwalo a rena, go tema ya 4. Gomme a nke re thome go—go bala, ka ga temana ya 12 ya tema ya 4 ya Ebangedi go ya ka Mokgethwa Mateo.

Bjale ge Jesu a bile . . . Gomme bjale ge Jesu a kwele gore Johane o be a lahletšwe ka kgolegong, o tlogile go ya Galelia;

. . . tloga Nasaretha, o tlile a dula ka Kaperenaume, ye e lego godimo ga lebopo la lewatle, mollwaneng wa Sebulone ka Nafutali;

Gore go ke go phethege se se boletšwego ke Jesaya mopofeta, a re,

Naga ya Sebulone, le naga ya Nafutali, ka tseleng ya lewatleng, mošola wa Jorodane, Galilea ya Bantle;

Batho bao ba dutšego ka leswiswing ba bone seetša se segolo; gomme go bona bao ba dutšego mathokong a morithi wa lehu ba hlabetšwe ke seetša.

Go tloga nako yeo Jesu o thomile go rera, le go re, Sokologang: ka gore mmušo wa legodimo o batametše.

⁴⁴ Ke nyaka go bolela ka hlogotaba: *Gomme Go Tloga Nako Yeo*. Le a tseba, bjalo ka batho, bohle re nagana ka dilo go tšwa nakong e rilego. Selo sa gore le gore se diregile, gomme go tloga nako yeo. Gomme bjale, dinako tše dintši, o kopana le

mokgalabje goba mokgekolo, gomme ba rata go bolela morago go nako yeo se sengwe se diregilego, seo ba ka go se šupa ka kgonthe le go re, “E bile ka nako yeo.”

⁴⁵ Bjale, ke a eleletša go na le bohle ba rena fa ka kgonagalo, bošgong bjo, ba ka kgonago go bitša moleloko, go elelwa ka dilo tše rilego tšeo di diregilego ka nako e rilego. Go tloga nako yeo, se sengwe se fetogile. Selo *sa gore le gore*, se diragetše ka nako yeo. Gomme go tloga nako yeo go ya pele, go ile gwa fapana. Gomme ke selo se sebotse gore re ka kgona. Gomme tše dingwe tša dikelelo tšeo, tša dilo tše re naganago ka tšona, ke dilo tše bohlokwa tše di fetogilego. Gomme go na le dilo tše dingwe tšeo di se go bohlokwa go nagana ka tšona.

⁴⁶ Mohlala, ge mosadi wa tumo ye mpe, gore o rile, “Go bile le nako yeo ke bego ke le yo mokaone, wa go loka, mosetsana wa maitshwaro. Gomme ka bošego bjo itšego, goba lefelo le itšego, selo se itšego se diragetše.” Gomme ge e sa le nako yeo, o bile ka mmileng wa go fošagala. Bophelo bja gagwe bo sentšwe ke sebe, le boso le leswiswi, gomme ke feela kahlole e mo letilego. Eupša o kgona go elelwa, go tloga ka nako yela e itšego, e diragetše ge a tšere mmila wo šele.

⁴⁷ Mo—mo monna wa setagwa, bošgong bjo, mo mekgotheng, yoo a lekago go nwa go tloša mahloko a gagwe. O ka mo topa godimo. Go swana ke be ke le go ditakaneng fa, nako ye nngwe ya go feta, ka New York, lefelo le legolo ka batho ba ditagwa. Ke be ke sepela le modiredi yo itšego. Gomme fale go robetše monna, oo, e no ba boati bja banna, ga ba na kotsi, ba hloka thušo, ba robetše fale le bomahlong bja diaparo tša bona bo kolobile, gomme—gomme ditedu tša bona gohlegohle sefahlegong sa bona, gomme ba no ba ka seemong sa go šokiša. Gomme ba be ba se kotsi ka go phethagala.

⁴⁸ Gomme modiredi yo o rile, “Topa yola yo motee godimo, gomme o no mmotšiša.”

⁴⁹ Gomme ge ile godimo go monna yo yoo a bego a robetše ka leoto le letee go putla pampara ya koloi, le hlogo ya gagwe e robetše fase mokgotheng, le moo gore o be a palelwa go—go—go ya ka dinako, ya go ya ditshwaamare. Oo, o be a no ba seemong sa go šiiša. Gomme ke mo swere, gomme ke rile, “O kgona go bolela?” Gomme o be a sa arabe.

⁵⁰ Kafao modiredi o ile tlase. O tsebile kudu ka ga ka fao o dirago le bona. Gomme o mmotšišitše, “Ke wena mang?”

⁵¹ Gomme mafelelong o mo dirile a phagame godimo go lekanela, go fihla a ka re, “Ge le ka nthekela seno!” Gomme go tla go hwetša, o be a kgona go šupa monwana wa gagwe go panka yeo a kilego a ba mopresitente wa yona.

⁵² “Gabotse,” o rile, “rena re bareri. O ka kgona go mpotša go diragetše eng?”

“Ge le ka ntshepiša seno!”

53 Gabotse, re be re ka se dire seo. Ke rile, “Nka se kgone go oketša manyami go manyami a gago. Ke nyaka go go thuša.”

54 Kanego ya gagwe yohle. O tllile gae, bošego bjo bongwe, gomme go be go na le, seo a se bidityego, lengwalo la “Morategi John” mo ta—ta tafoleng. Morago, mosadi wa gagwe o be a tlogetše. Gomme o ile. . . O be a mo rata. Gomme o tšere bana ba gagwe. Gomme o be a hlakilwe, gomme o be a tšhabile le monna yo mongwe. Gomme o rile, “Ga se ke tsebe ke dire eng, go thunya mabjoko a ka ntle, goba go dira eng. Kafao ke—ke ile tlase go sepotson.” Gomme go tloga nako yeo, o be a le fale. Seo ke gohle lefase ka moka.

55 Mofori. O ka tšea yo motee, bjalo ka ge ke rile go monna, letšatši le lengwe, yoo ke naganego o be a bolela metlae. Gomme go tla go hwetša, gore, o boletše maaka a mantši go fihla ka kgonthe a a dumetše, yenamong. Gomme ke rile, “Ke eng e go dirago o dire seo?” Gomme ke dutše fase go bolela le yena. Ke rile, “Ke nyaka go go botšiša. Dikanego tšela di tšhoša kudu go batho go di dumela.”

56 O rile, “Ya mathomo nka tsogego ka kgona go elelwa ke e anega.” O rile, “Ke be ke le mošemane yo monnyane yoo a godišitšwego ka lapeng go loka.” Gomme o rile, “Ke ile ntle le go kgoga disekerete tša lebele la siliki, feela go ba setswatswa. Gomme ke jele kofi ye nngwe, go e tloša mohemong wa ka.” Gomme o rile, “Ke e dirile morago ka morago ga tšhemela ya kgale, ka morago ga ntlo.” Gomme o rile, “Nka se tsoge ke lebetše, ge mme a ntantše, gomme o rile go nna, ‘Morwa, a nke ke dupe mohemo wa gago.’ Gomme ke buduletše mohemo wa ka ka sefahlegong sa gagwe, gomme o rile, ‘O jele kofi go tloša se sengwe go tloga mohemong wa gago. O be o dira eng? O be o kgoga disekerete?’”

57 Gomme o rile, “Se sengwe se mpoitše go mmošša therešo.” O rile, “Eupša ke rile, ‘Aowa, mama. Ke fapanya pelo ya ka. Ke be ke sa kgoge disekerete.’” O rile, “Gomme go tloga nako yeo, seo se e thomile.”

58 Bohle re ka kgona go hwetša se sengwe seo—seo se thomilego nako e rilego. Gomme go tloga nako yeo go ya pele, dilo di fetogile. Gomme go na le dilo tše dingwe tše bohlokwa tšeo re ka naganago ka tšona. Banna ka maikemišetšo a mabotse ba lekile go thoma dilo ka boswa, go dira dilo ka nako e rilego.

59 Mohlala, ge mohlagase la mathomo o hwetšwa ke Benjamin Franklin, gomme ba kgonne go e fenywa. Ba thomile go re, “Go tloga ka nako ye go ya pele, go ka se tsogile go bile le dintwa. Gobane, woo, mohlagase wo o ka beiwa ka magoreng, ka boletšetše ya godimo kudu, go fihla go se motho a ka go le putla.” Ba be ba lebile gabotse.

60 Gomme thwi ka morago ga Ntwa ya Lefase ya Mathomo, ge—ge Kaiser Wilhelm a saenne kwano ya khutšo. Re ile ra botšwa fa ka Amerika. Ke be ke le mošemane wa mengwaga e ka bago ye senyane ka bogolo. Eupša ke kgona go elelwa ka ga batho bohle ba re, “Re ka se tsoge ra ba le ntwa ye nngwe. Go tloga ka nako ye go ya pele, go fedile, go ya go ile.” Eupša re bile le ntwa ye nngwe.

61 Gomme ge ye kgolo U.N. Goba, nka re, pele ga yeo, ba bopile seo se bego se bitšwa League of Nation. Gomme ba rile, “Bjale re ka se be le dintwa gape, gobane ena League of Nations ye e tla paterolago lefase. Gomme ge go ka ba le mokurukuru felotsoko, banna ba go tšwa go setšhaba se sengwe le se sengwe ba tla ya fao le go šireletša lefase.” Eupša e bile go palelwa. Ba ile pele thwi ba na le dintwa. Gomme U.N. e tla ba selo sa go swana.

62 Re a botšwa bjalo ka kakanyopele gore gosasa bošego goba Lamorena bošego . . . Monna wa go swana a akantšegopele Pearl Harbor, go nakwana tlwa gore di—di difofane di tla e poma, o rile, gore, “Lamorena bošego ka iri ya lesomepedi, gore diphesente tše masomešupa tlhano tša batho ba Amerika ba tla ya go molora, gore Russia e tla poma United States, Lamorena le le tlogo bošego ka iri ya lesomepedi.” Monna wa go swana a akantšegopele Pearl Harbor. Ga ba e bee ntle, gobane batho ba tlaletšwe. Ga ke dumele. Le a bona? Aowa. Gobane, e ka se kgotlelele ntwa ya athomo. Ye nngwe ya bona e feta go kgabola mollwane wa modumo, ka tsela *ye*, re tla ba fošetša ka tsela *yela*, gomme lefase le tla ya go ditshetlana. Se sengwe se swanetše go direga, go le bjalo, pele Jesu a etla. Yeo ke nnete.

63 Mohlala, banyalani ba baswa. Go bile le nako e rilego yeo ba ilego ba nyalana. Gomme ba—ba beile dikeno tša bona mmogo. Gomme ba enne, yo motee go yo mongwe, potego ya bona. Gomme ba rile, gore, “Re tla ratana, go hlompha le go thabišana, ge feela bobedi re sa phela.” Eupša go tla nako yeo se sengwe se diregilego.

64 Dilo tše tšohle fale, go na le nako ge se sengwe se diregile. Gomme mohlomongwe dikeno tša bona tšohle, le tšohle diliki tša ditšhaba, le go ya pele, mohlomongwe di bile le maikemišetšo a mabotse, eupša tšohle di fihla mafelelong. Tšohle di a šwalalana, ka tlase ga di—di—di dinao tša motho. Le maikemišetšo ohle a mabotse re ka bago le ona, eupša tšohle di swanetše go tla mafelelong.

65 Eupša go na le nako yeo monna a ka tlogo go se sengwe seo e lego Gosafelego. Seo ke ge, motho, nako motho a kopana le Modimo. Yeo ke ge se sengwe se direga seo e lego Gosafelego.

66 Re dira diphošo tša rena. Gomme re dira dikeno tša rena ka bošego bja Ngwaga wo Moswa, go no di roba letšatši le le latelago. Re phetla matlakala a maswa, gomme re fa dikeno. Gomme re ya go baprista le . . . Ga re dire, eupša Makatoliki a dira. Le go dira boipolelo, le go saena boitlamo, gomme re

tla aletareng le go phetla maphephe a maswa, eupša tšohle ka lefeela. Ka gore, nako ye e latelago yo mongwe a putla tsela ya rena goba se sengwe, go fela pelo mola ga kgale go tla fofela thwi morago gape. Nako ye nngwe le ye nngwe yeo re tsenago bothateng goba se sengwe, e tla diragala gape.

⁶⁷ Eupša go na le lefelo moo motho a ka go go tla, go nako, yeo e tla mo fetolago go ya go ile, bakeng sa Gosafelego. “Yo a tla tlogo go Nna, ga go ka mo Nka go mo rakela ntle,” go boletše Jesu. Motho a ka tla go Modimo, gomme mayo a gagwe a Gosafelego a fetoga. Gomme motho a ka kopana le Modimo, gomme a ka se tsoge a swane le neng gape. O ka se kopane le Modimo gomme wa tsoge o sa šetše o le motho wa go swana o bilego. Ge o fulara go tloga go Yena, o tla ba motho yo mobemobe yo o kilego wa ba. Ge o Mo amogela, o na le Bophelo bjo Bosafelego, gomme O tla go tsoša mo letšatšing la mafelelo, ka tshepišo ya Gagwe.

⁶⁸ Go bile le nako ge go bile le monna a bitšwago Abraham, yo a theogilego go tšwa go Bakaladea, gomme o dutše ka go toropokgolo ya Uri. Gomme e be e le monna wa moloki, monna wa go loka. Mogongwe, mohlomongwe a ka be a bile. . . Tatagwe mohlomongwe o rapetše medingwana, gobane ba tšwa Babilone. Gomme o be a no ba monna wa mehleng, gomme o be a tšofala. O be a le masomešupa tlhano, gomme mosadi wa gagwe a le masometshela tlhano.

⁶⁹ Gomme Abraham, letšatši le lengwe, ge mohlomongwe a be a le ntle ka tšhemong, a tsoma goba e ka e ka ba eng a bego a dira, a topelela dikgato, goba e ka ba eng mošomo wa gagwe o ka bego o bile, o kopane le Modimo. Gomme go tloga nako yeo, o ile a fetoga. O be a kgona go bitša dilo tšeo di bego di se gona, o ka re di be di le gona, ka gobane o be a kopane le Modimo. O be a tsebile motsotso le iri yeo a kopanego le Modimo. Gomme e mo fetotše. Gomme Modimo o mmiditše go ba tate wa ditšhaba tše dintši. Gomme o dumetše Modimo le go dumela tshepišo ya Gagwe, ka gobane o kopane le Modimo. Mengwaga ye masomepedi tlhano moragorago, ba be ba ahlaahla, ba leka go mo selekiša, ba mmošša gore o be a dumetše se sengwe se bego se fošagetše. Eupša Beibele e rile, “O ile a tielela dinako tšohle, a efa theto go Modimo.” Ka gobane, o tsebile gore Modimo o be a swanetše go boloka tshepišo.

⁷⁰ Seo ke ge go motho a kopana le Modimo. E fetola tlhamego ya gagwe. E mo dira sekwi sa godimodimo. Ke be ke bolela bošego bjo bongwe, motho wa tlhago o na le feela dikwi tše tlhano. Eupša, modumedi, ge a kopana le Modimo, o hwetša se sengwe go fapana. Ke sekwi sa godimodimo seo se mo phagamišago godimo ka kua ga meriti. Se mo dira go dumela dilo tšeo di sa kgonagalego go phethagala. O sa no dumela di tla phethagala, ka gobane Modimo o boletše bjalo. Ge motho a kopana le Modimo, se sengwe se a direga.

71 Go bile le nako ge motho a hlahlilwe ka go bohlale bjohle, thutamodimo yohle ya Lentšu la Modimo. O Le tsebile ka tlhaka. O be a rutilwe. O be a na le ditikrui tšohle. O be a le setswerere bjalo o be a kgona go ruta dirutegi tša Egepeta le barutiši ba bona. O le tsebile lohle, ka tlhaka. Eupša lefšega ka lona, leo le bego le tšhaba, o ile ntle ka lehlakore la morago la leganata gomme o be a dišetša mosetsebje dinku. Eupša go tlile nako yeo ge Modimo a kopane le yena fale, ka go sethokgwa se se tukago. Gomme go tloga nako yeo go ya pele, Moshe o be a fetogile, ka gobane o kopane le Modimo ka go sethokgwa se se tukago. Gomme sefahlego le sefahlego le Modimo, o be a ka se kgone go ba wa go swana le neng gape.

72 Ge monna goba mosadi . . . Ga ke kgathale ke dikeno tše kae o dirilego, goba ke matlakala a maswa a makae o phetlilego. Go fihlela o kopana le Modimo, o ka se fetoge. Eupša ge gatee o kopana le Modimo, gona o fetogile go ya go ile.

73 Ga se le fetole Moshe a nnoši. Le fetotše Israele. Le fetotše Egepeta. Le fetotše lefase ka nako yeo, ka gobane motho yo motee o kopane le Modimo gomme o Mo tšere go Lentšu la Gagwe.

74 Seo re se hlokago lehono ke yo mongwe go kopana le Modimo, sefahlego ka sefahlego, le go bolela le Yena, seemo. Ge batho ba kopana le Modimo, dilo di a fetoga. Ka nnete. Yeo ke tsela e nnoši yeo re ka bago le dilo.

75 Gomme go tloga nako yeo go ya pele, Moshe lefšega, Moshe yena a bego a tšhaba, o be a fetogile. Gomme go tloga nako yeo, o bile mohlanka wa Morena. Ka mehla e šoma ka tsela yeo. Ge motho a kopana le Modimo, dilo di a fetoga.

76 Go bile le mosetsana yo monnyane nako ye nngwe, a se ka godimo ga bogolo bja mengwaga ye lesomeseswai, goba mohlomongwe e sego bogolo bjoo, yoo a bego a le tseleng ya gagwe go ya sedibeng moso wo mongwe, go ga pakete ya meetse, tlase ka Nasaretha. O be a le mosetsana yo monnyane yo mobotse. O dumetše. O bile le tumelo. Eupša, mosong woo, o kopane le Modimo. Gomme Modimo o mmoditše se sengwe, gomme o se dumetše. Gomme se fetotše moela ka moka wa bophelo bja mosadi, le go mo dira wa go se hwe. Leina la gagwe e be e le Maria, mmago Morena wa rena Jesu. Mohumagadi yo monnyane o be a no ba mosetsana yo monnyane wa mehleng, eupša o kopane le Modimo. Gomme go tloga nako yeo go ya pele, se sengwe se diregile. Ka kgonthe.

77 Go bile le monna ka leina la Petro, mothei wa dihlapu wa kgale wa makgwakgwa, ka kgonagalo a no ba makgwakgwa bjalo ka ge ba etla. Gomme ka kgonagalo o be a le mphenyašilo wa go kgorometša yo mogolo. Ka gobane, fa nako ye nngwe ya go feta, ke bone papadi, e bitšwa, "The Big Fisherman." Ke naganne e be e le tlhaloso e botse kudu ya Petro, ka gobane o be a le moisa

yo bjalo wa kgale wa makgwakgwa. O be a sa iše felo ka selo. O be a sa dumele e ka ba eng le gannyane. Eupša, letšatši le lengwe, o kopane le Modimo. Gomme go tloga nako yeo, o ile a fetoga. Go tloga nako yeo, o bile moapostola wa Morena Jesu Kriste.

⁷⁸ Bjalo ka ge Ngwanešu David duPlessis a be a re botša nakwana ya go feta, ka ga Saulo wa Tareso, mmolai, yoo a swerego kobo ya babolai, yoo, le go hlatsela, le go fa bohlatse go lehu la Stefano mohwelatumelo. O bile le mangwalo ka dipotleng tša gagwe, go ya tlase go—go baeletši bagolo ba dikereke, le go swara batho bao ba bego ba dira lešata le legolo kudu, ba goeletša, le go reta Modimo. O be a le monna yo mogolo mahlong a Bafarisei. O be a le Mofarisei wa Bafarisei. Eupša, letšatši le lengwe, o be a le tseleng ya gagwe go ya Damaseko, gomme o kopane le Modimo. Seetša se phadimile go mo dikologa. Gomme go tloga nako yeo go ya pele, o be a sa hlwe a le Saulo wa Tareso. Eupša o bile Paulo, wa go ikokobetša, yo boleta, ka gobane o kopane le Modimo, gomme Le mo fetotše.

⁷⁹ Go bile le wa lephera a robetše mo kgorong. Methušo ka moka ya dihlaro e be e sa kgone go mo fodiša. Dišo tša gagwe tše di bego di bodile di be di godile bjalo go fihla diatla tša gagwe di be di le ka godimo ga go phagamiša, le neng gape. Gomme maoto a gagwe, o be a sa kgone go a goga le gannyane. Taba ya gagwe e be e hlokiša kholofelo. Eupša o kopane le Modimo, letšatši le lengwe, a etla go tšwa kgorong. Gomme o wetše fase le go rapela, gomme o rile, “Ge O rata, O ka kgona go ntira ke hlweke.”

⁸⁰ Gomme O rile, “Ke a rata. E ba wa go hlweka.” Gomme go tloga nako yeo, ga se a be le lephera gape, ka gobane o kopane le Modimo.

⁸¹ Go bile le monna wa sefofu a dutše ka thoko ga tsela. Gomme o be a sa kgone go bona seetša sa letšatši go tloga go leswiswi. Go be go se selo se ka kgonago go mo thuša. Letšatši le lengwe, Yo mongwe a tla a sepela ntle ga toropokgolo ya Jeriko, gomme ge a kopane le Modimo; gomme go tloga nako yeo, o kgonne go bona. Go bona ga gagwe go tlile go yena. Go bona ga seetša go hlabile ka mahlong a gagwe, gomme o kgonne go bona gape. Ka gobane, go tloga nako yeo, ge a kopane le Jesu, o bile monna wa go fapana. O bile le go bona ga gagwe.

Ge motho a kopana le Modimo, se sengwe se a direga ka therešo.

⁸² Go bile le monna yo moswa, nako ye nngwe; ga go pelaelo, modudi wa naga wa go loka, eupša ditlhaselo di tla godimo ga gagwe. Gomme o be a le yo mobe go fihla ngwako wa kgolego o sa kgone go mo swara. Gomme ba mmofile ka diketane. Gomme o be a na le madira a bodiabolo, ka go yena, go fihla a kgona go robaka diketane le go itokolla. Gomme bodiabolo ba mo išitše go dirapa tša mabitla, moo a dutšego ka fale. Gomme o tšere matlapa le, a ba kotsi bjalo, o be a itshega yena seng sa gagwe.

Oo, o be a le moisa yo mošoro. Ge ditlhaselo tšela di mo tlogela, ga go pelaelo o be a tla nagana, “Ke dira eng fa?” Gomme e ka ba ka nako yeo, bodiabololo ba tla tla go yena gape, le go mo sega le go mo kgeila. Eupša, letšatši le lengwe, o kopane le Jesu. Gomme go tloga nako yeo go ya pele, segafa sa Gadara o bile le monagano wa gagwe wa go loka, a apere, a dutše dinaong tša Gagwe. O be a kgona go ya gae, bjalo ka mokgomana. O be a kgona go boela go tlabologo. O be a kgona go ya morago go baratwa ba gagwe, gomme a kgona go re, “Go tloga nako yeo, ke fetogile.” Ee.

⁸³ Go bile letšatši le lengwe, mošola mo Khalibari, ge Modimo le lehu ba kopana, sefahlego ka sefahlego, ge Bophelo le lehu di etla mmogo. Eupša yeo ke ge Bophelo, Kriste, a gogile lebolela ntle ga lehu. Gomme ge e sa le nako yeo, lehu ga le sa na lebolela go lona. Ke thabile bjang ka seo. Modimo! Lehu le Modimo ba kopane, mmogo. Lehu ga le sa swana. Ga le sa na lebolela go lona bjale. Modumedi wa Mokriste a ka sepela thwi ka go sefahlego sa lona le go re, “O lehu, lebolela la gago le kae? Lebitla, phenyo ya gago e kae?” Gobaneng? Bobedi di kopane le Modimo. Ga di sa swana ge e sa le go tloga nako yeo.

⁸⁴ Ga go motho a ka go ba wa go swana, ga go selo se ka go ba sa go swana, ge gatee se kopana le Modimo. O ka se tsoge wa ba wa go swana.

⁸⁵ Ke kgona go elelwa ke robotše fale godimo ga malao a sepetlele. Dingaka di mpha metsotso ye meraro go phela. Pelo ya ka e rethetha, makga a masomešupa ka motsotso. Ke kopane le Modimo. Ge e sa le nako yeo, ga sa nke ka ba wa go swana. Se sengwe se diragetše go nna. Ga go yo mongwe a ka go mpotša go fapana go itšego. Bill Branham o hwile. Ke kopane le Modimo, gomme Se sengwe sa tla ka go nna. Ga se nke ka ba wa go swana ge e sa le motsotso wola ka go kopana le Yena. O mphetošitše. O ntirile se sengwe go fapana. Ga se e be go tšea keno ya Ngwaga wo Moswa, eupša ke kopane le Modimo.

⁸⁶ Banna le basadi, ge le kopana le Modimo, le a fetoga. Re dira dikeno tša rena tša Ngwaga wo Moswa bošegong bjo; re ya morago gosasa mosong, go di roba; letšatši le le latelago, go di roba. Eupša seo re hloka go se dira, ga se keno ya Ngwaga wo Moswa, eupša re hloka go tla sefahlego ka sefahlego le Modimo, le go ba le Bophelo bjo Bosafelego, go tswalwa ka Moya wa Gagwe.

⁸⁷ Go bile monna wa kgale, nako ye nngwe, gomme o be a sa kgone go tšea sephetho. Diabololo o be a dula a mo rothotha ntle ga sona. Letšatši le lengwe, ntle ka tšhemong, o khuname fase go rapela. Ge a be a rapela, o ile a kokotetše kokontwane fase. O rile, “A nke se e be segopotšo. Sathane, ge o ka tsoge wa tla go nna gape, ke tla go šupa go kokontwane ye. Ke tla go botša gore thwi fa ke kopane le Modimo, gomme e ile ya fedišwa go tloga fa go ya pele.” Seo ke se re se hlokago, mohlomongwe e

sego kokontwane ka tšhemong, eupša felotsoko, sekhutlwaneng sa sephiri se itšego, lefelo le itšego. E sego. . .

⁸⁸ Oo, bošegong bjo, go tla ba le makgolokgolo a dikeno di tšewa, diketekete tša tšona di tšewa. Gomme ngwaga wo o tlogo re tla swanela go di tšea tšohle, gape le gape. Re tla re, “Gabotse re tla tlogela go aketša. Re tla tlogela go dira se. Gomme re tla beela ka thoko go fela pelo ga rena. Re tla direla Morena bontši. Re tla dira se, goba seo, goba se sengwe,” feela go hwetša, ke ka lefeela.

⁸⁹ Eupša seo motho a hlokago go se dira, bošegong bjo, ke go tla sefahlego ka sefahlego le Modimo. Gomme go tloga nako yeo go ya pele, ke sebošša se se fetogilego. Halleluya! Oo, ke duma nka e bolela ka tselo ye ke e dumelago. Eupša ge motho a kopana le Modimo, o fetogile, go tloga motsotso woo, matšatši a gagwe ka moka. A ka se tsoge a ba wa go swana, ka gobane o na le Bophelo bjo Bosafelego. Ke sebošša se seswa. Dilo tša kgale di fetile, gomme dilo tšohle di ba tše mpsha go yena. O bonala boswa.

⁹⁰ Monna wa go babja a ka kgona go sepela ka sefahlegong sa Modimo, ge dingaka di rile, “O ya go hwa.” Eupša a ka sepela ka bogoneng bja Modimo, le go kgopelela taba ya gagwe. Gomme o tla bowa kgole, motho wa go fapana, gomme go tloga nako yeo go ya pele.

⁹¹ Oh, ke gopola Congerssman Upshaw, a dutše ka go setulo sa bagolofadi lebaka la mengwaga ye masometshelela tshela. Bošegong bjoo, mošola ka California, ge Moya wo Mokgethwa o theoga, le go thoma go boela, o kopane le Modimo. Gomme go tloga nako yeo go ya pele, o kgonne go sepela ntle le dikota tša gagwe.

⁹² Ke bone nako moo batho ba go lewa ke kankere ba robotšego, le go se selo eupša morithi. Gomme dingaka di tla feta kgauswi gomme ba rile, “Ba sepetše.” Baratwa ba bona ba kgobokana ka gare, go bolela mantšu a mafelelo ao ba ka kgonago, go bona, tlhohleletšo. Eupša ba kopane le Modimo, gomme, go tloga nako yeo go ya pele, ba be ba fetogile. Ba phela go fapana.

⁹³ Ke kgona go bona mosadi wa ditšhila, mošola mo mokgotheng. Ke kgona go bona letagwa, mošola ka dithobolong. Ke kgona go bona moikaketši, mošola ka kerekeng. Bohle mehuta yela ya batho, Ngwaga wo Moswa wo mongwe le wo mongwe, ba phetlolla lephephe le leswa, le go leka go dira se sengwe go fapana, go leka go dira ditokišišo le go dira go ya pele. A nke ba kopane le Modimo, nako ye nngwe, gomme go tloga nako yeo go ya pele.

⁹⁴ Jesu o rerile go bao go tloga nako yeo go ya pele, bao ba dutšego mafelong a morithi wa lehu.

⁹⁵ Gomme ke re, bošegong bjo, ge motho a nyaka go ba le phetogo ya kgonthe e etla go yena, a nke a tle sefahlego le sefahlego le Modimo, le go kopana le Yena nako ye nngwe, gona a

ka kgona go re, “Go tloga nako yeo go ya pele, go tloga nako yeo go ya pele, ke bile motho wa go fetoga. Ke tseba ka boitemogelo.”

⁹⁶ Mo sebakanyaneng se sennyane, kereke e tla be e kgobokana fa go dikologa aletara. Le tla be le gafela maphelo a lena, ka boswa. Le tla be le tlogela dilo, le go bea dilo mo aletareng. Ngwanešu, a nke ke go fe keletšo ye itšego. Ge eba o se wa ke wa kopana le Modimo, sefahlego ka sefahlego, a nke ke go botše se sengwe. O dule aletareng yela. E nno dula fao go fihlela o kopana le Modimo, gona o ka kgona go šupa monwana wa gago morago go bošego bjola bja Ngwaga wo Moswa. E sego, le go re, “Ke phetlile letlakala le leswa. Ke dirile keno.” Eupša, “Go tloga nako yeo go ya pele, ke kopane le Modimo. Gomme bophelo bo fetogile, gomme dilo di bile go fapana. Gomme se sengwe le se sengwe se bile se seswa, go nna, gape, go tloga nako yeo go ya pele,” nako yeo o kopanego le Modimo.

⁹⁷ Ga se, kopana le Ngwaga wo Moswa. Re ya go lebana le wona, mo metsotsong e se mekae. Ka morago ga nakwana, e ka ba diiri tše pedi le seripa, ke a nagana. Mohlomongwe bonnyane go feta moo. Re tla be re kopana le Ngwaga wo Moswa, sefahlego ka sefahlego. Re tla kopana le wona ka dikeno. Re tla kopana le wona ka boitlamo. Re tla kopana le wona ka maikemišetšo a mabotse. Re tla kopana le wona, re re, “Re tla leka go phetla letlakala le leswa. Re tla leka go dira go fapana.” Seo se lokile ka moka. Ke thakgalela seo.

⁹⁸ Eupša ngwanešu, e ka se tloge ya ba Gosafelego go fihlela o kopana le Modimo, sa pele. Ge o kopana le Modimo, sa pele, gomme, go tloga nako yeo go ya pele, se sengwe le se sengwe se tla fapana.

A nke re rapele ge re inamiša dihlogo tša rena.

⁹⁹ Morena Jesu, Morwa wa Modimo, ke elelwa nako ge ke kopana le Wena, Morena. Ke a elelwa, leratha la go šokiša, ke phela bophelo bjo bobotse bja maitshwaro, ke sa tshelatshela go dikologa, go nwa, goba go kempola, goba go kgoga, goba go ya pele. Eupša ke tsebile, Morena, ge lehu le etla go khukhunetša ka go phapoši yela ya sepetlele, mengwaga ye itšego ye masomepedi go feta, go bile le se sengwe se hlaelela ka bophelong bja ka. Fale ke kopane le Modimo, gomme go tloga nako yeo. Go tloga nako ye, Morena, ke lekile go hlankela Wena. Bophelo bja ka bo be bo fetogile gomme se sengwe le se sengwe se bonala go fapana. Ke thakgetše kudu gore ke kopane le Wena, Morena. Gomme bošegong bjo, ke lebane le Ngwaga wo Moswa, ke thakgetše go bolela gore ke kgona go lebana le wona ka Moya wa Modimo yo a phelago ka pelong ya ka.

¹⁰⁰ Re fe maitemogelo, Morena. Re fe botho le kgaogelo ya Gago. Re swarele dibe tša rena. Gomme a nke re phele go kgabola ngwaga wo o tlogo wo, O Morena Modimo, ka boitemogelo, gore re kopane le Wena gomme maphelo a rena a fetogile. E fe,

Morena. Re swarele mabošaedi a rena. Bea ka gare go rena Moya wo Mokgethwa wa Gago. Re etepele gomme o re hlahle.

¹⁰¹ Tate, Modimo, 1960 še, e lebane le rena. Gomme go na le menyetla bakeng sa kopano ya lefase ka bophara, moo go bonalago eke gore ebile le masome a dikete atiša ka dikete, le dikete le dikete tša bahetene ba batala, ba medingwana, le go ya pele, ba ka tla go Wena. O Morena Modimo, le Moya wa Gago ka pelong ya ka, ke lebanya aletara ya Gago, bošego bjo, le go lebanya Wena, le go re, “Nthuše, O Modimo. Pelo ya ka e tuka ka phišegelo. Ke a Go rata, Morena. Ke neela bonna go Wena, mo tirelong. Nketepele e ka ba kae O ratago go ntlahlela. Nthomele e ka ba kae O nyakago go nthoma, Morena. E no bolela, gomme ke tla ya.

¹⁰² Šegofatša kereke ya ka. Šegofatša Ngwanešu Neville. Šegofatša batho bohle fa, basetsebje mo dikgorong tša rena. Gomme badiša ba bao ba tla bego ba bolela, nako ka nako, go ya pele go kgabola mantšiboa, ke a rapela, Modimo, gore O šegofatša bodiredi bja bona. Šegofatša Ngwanešu Neville. Šegofatša Ngwanešu Junie Jackson. Ngwanešu Beeler, bohle ba bangwe badiredi ba, ba šegofatše, Tate. Re fe ngwaga wo mogolo ka 1960.

¹⁰³ Rena, Morena, bao re tsebago gore re kopane le Wena, sefahlego ka sefahlego, le go tseba seo go se rago go tswalwa gape ka Moya wa Gago, re fe mogau wa Gago wa Gosafelego, go Go direla. Ka Leina la Jesu re a rapela. Amene.

¹⁰⁴ Le a Mo rata? [Phuthego e re, “Amene.”—Mor.] 1960, le se e dire e be, gore, “Ke phetlile letlakala le leswa.” Le se dire e be, gore, “Ke leka go thoma bophelo bjo boswa.” Eupša a nke e be, gore, “Ke kopane le Modimo, gomme go tloga nako yeo, nako yeo go ya pele, ke bile le khutšo ye e fetago kwešišo. Ke bile le lethabo le sa bolelegeto, le go tlala ka letago. Ke bile le kgotsofalo. Le ge lehu le ka tla go nna, ke tla ba ka matsogong a Modimo, motsotso ka morago ga mohemo wa ka wa mafelelo o gogilwe. Ga go kgathale ke eng se tlogo go se sepelago!”

¹⁰⁵ A nke ba mo rathaganyetše godimo, Lamorena bošego, ge ba nyaka go dira. Ba nyaka go dira, pomo e tla be e se ya fetša go thuthupa go fihla re tla be re le ka Letagong le Yena. Amene. Ga se gona se ka go re gobatša. Halleluya!

¹⁰⁶ Ke thabile bjalo ke kopane le Modimo. Ke thabile bjalo nka kgona go re, “Go tloga nako yeo.” E pinyeletše fase go lefelo leo! “Ge ke kopana le Modimo, se sengwe se diragetše go nna. Ke ile ka fetoga, go tloga motsotso woo. Ke ile ka fetolwa, ge e sa le.” Ke thabile bjalo go ba mo tseleng, bošegong bjo, bjalo ka bopaki go Letago le Maatla a Modimo. Se sengwe se sennyane sa kgale ntle fa, gomme Modimo o tla fase fale le go mpha mogau wa Gagwe, le go mphološa, le go mphodiša, le go ntlatša ka Moya wa Gagwe. Gomme a nke ke rere Ebangedi ya Gagwe, yeo e lego

tlhompho ye kgolokgolo e lego gona ka lefaseng. Go tloga nako yeo, go fihla nako ye, ga se nke ka ba le go itshola go gotee. Eupša ke bile wa go leboga, matšatši a ohle, gomme ke tla ba, go kgabola Bokagosafelego, gore ke kopane le Modimo.

Modimo a le šegofatše. Go lokile, Ngwanešu Neville.



GOMME GO TLOGA NAKO YEO NST59-1231
(And From That Time)

Molaetša wo ka Ngwanešu William Marrion Branham, setlogong o abilwe ka Seisimane ka Bošego bja pele ga Ngwaga wo Moswa, Labone mantšiboa, Desemere 31, 1959, ka Branham Tabernacle ka Jeffersonville, Indiana, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlalatšwa ke Voice of God Recordings.

NORTH SOTHO

©2018 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriste. Puku ye e ka se kgone go rekišwa, go tšweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditšhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org